



Universitätsbibliothek Paderborn

**Dictamen Illustrissimi ac Reverendissimi P. Mag. Fr.
Gabrielis Adarzo de Santander, Episcopi Viglevanensis,
Ad Interrogata respondens Circa Exclusivam, quandoque
à Principibus interpositam, ne ...**

Adarzo, Gabriel

Frankfurt, 1660

[§. I.] An proponenda sit Exclusiva à Principe saeculari, ne determinata
persona Petri Thronum ascendat? An expadiat Principi Christiano
satagere, ut ille in Ecclesiae Pontificem eligatur, qui Pacem ...

urn:nbn:de:hbz:466:1-10517

SECTIO PRIMA.

Utrum sit licitum Principi Sæculari Exclusivam proponere, ne aliqua determinata Persona Petri Thronum obtineat?

§. I.

Licet, & expedit Christiano Principi sat agere illum eligi in Summum Ecclesie Pontificem, qui pacem publicam foveat.

Dico primò: Licitum est Christiano Principi, maxime habenti Provincias dissitas & non contiguas, diligentiam adhibere per media licita, ut ille in summum Pontificem eligatur, qui toto pectore pro Pace publica incumbat, quā mediā vasalli sui quietam, ac tranquillam vitam ducant:

Probatur Conclusio: nam licitum est unicuique providere sibi de medijs necessariis ad sua conservanda: atqui præcipuum medium, ut Princeps conservet suas Provincias, est pax publica: ergo licet &c.

Tunc

Tunc ultra; sed Romanus Pontifex , pacem inquirens est medium maximè conducens ad eam inter Principes Christianos stabiliendam , & conservandam: unde Dominicus de Soto super cap. 12. epist. ad Roman. (quem sequuntur P. Franciscus Suarez disp. 13. de Bello. sect. 2. §. 23. & 24. & sect. 4. §. 33. & Castro Pallao tract. 6. de charit. disp. 5. puncto 2. num. 6.) dixit vix dari bellum justum inter Christianos Principes (intellige de bello aggressivo , non de defensivo) cùm ad sit med um sufficiens in Ecclesia ad eos componendos circa sumum interesse, nempè Romanus Pontifex, quippe qui ad id habet authoritatem, quà Pater communis , & facultatem , quà Princeps nobilissimus inter temporales: ergo licetè poterit Princeps satagerre, quantum in se fuerit, ut ille Petri thronum obtineat , qui de publica Ecclesiæ pace sit futurus sollicitus.

Dixi in conclusione , per media licta , quia secundum omnes Doctores , non sunt facienda mala , ut bona eveniant.

Dixi , maximè habenti Provincias dissitas , & non contiguas , quia in talibus facilius oritur perturbatio , si adest qui vasallos sublevet; cum Principis præsentia, quæ eos in debita obedientia posset continere , juxta illud Spiritus Sancti Proverb. cap. 20. Rex in iuitu suo affi-

A 2. pat

pat omne malum, sit moraliter impossibilis ob Provin-
ciarum distantiam & discontinuationem. Qua de
causa Princeps, qui sic habet Provincias suas, ma-
jorem curam debet adhibere, ut ille in Pontificem
eligatur, qui ut verus Ecclesiæ Pater, sit sollicitus de
pace inter Principes stabilienda & conservanda, me-
diaque disponat, quibus Regna in suorum Principum
obedientia consistant.

2. Dico secundò, non modò hoc est licitum Prin-
cipi Christiano, sed etiam ad id tenetur jure naturæ;
item ex justitia, ex fidelitate, & ex charitate.

Probatur Conclusio, nam ea, quæ competit
jure Naturæ, & ea quæ jure gentium injunguntur
alicui, non sunt pure concessiva, & facultativa,
sed etiam præceptiva, ut docent Suarez, lib. 2. de
legibus cap. 18. Lorca 1. 2. disp. 7. de legibus. versic. qui-
dam vir. Greg. Martinez, de legibus quæst. 95. art. 4.
Dubio unico, versic. quinta etiam. Pascualigius, Tomo
2. de doctr. morali. disput. 84. Seet. 2. Sed jure naturæ &
jure gentium injunctum est cuilibet Principi pro-
movere bonum publicum sui Regni, illudque de-
fendere, ut notum est. Ergo ad illud promovendum
tenetur Princeps.

3. Confirmatur autoritate S. Thomæ. 2. 2. quæst.
40. art. 1. in corp. ubi hæc habet verba. Cum autem
cura

cura Republicæ commissa sūt Principibus, ad eos pertinet
Rēpublicam Civitatis, Regni, seu Provinciæ sibi subditæ
tueri, ad quæ verba Doctissimus noster Zumel, Sal-
manticensium Decus, Tractat, de justit. Question. 17.
dub. 2. dixit in manuscriptis: pluribus titulis hoc spectat
ad Principes, & graviter peccant omittendo, &c. Vide plura
alia (& quidem pulchra) apud Zeballos, de cognitione
per viam Violentia, Glossa 5. à numero 21. è quibus
numer. 43 deducit ut legitimam, istam Consequenti-
am, Potest Princeps propulsare malum à subditis, ergo tenetur illud
propulsare. Sed hoc magis roborabitur discurrendo per
singulos titulos, de quibus in conclusione n. 2.

Et in primis, quod Princeps ad id teneatur ex 4.
justitia, probatur: nam cum Regia dignitas offici-
um sit concessum in bonum Republicæ sibi cre-
ditæ, cap. Regum officium. 23. quest. 5. Arist. lib. 8. moral.
cap. 10. & 11. D. Thomas de Regin. Principum cap. 6. &
11. debet Republicæ Princeps omnes suas operas, ut
subditi quietam & tranquillam vitam agant, non
secus acœconomus illas debet Patrono: vnde Apo-
stolus, 1. ad Timot. cap. 2. ait, obsecro vos fieri orationes
pro Regibus &c. ut quietam, & tranquillam vitam agamus:
quasi à Principis cura plena vita tranquillitas sub-
ditis eveniat: quorum (Teste Arist.) Reges servi sunt
coronati. Hac de causa Principes apud Deum tae-

A 3 rentur

rentur , cum latrones suspendunt, homicidas , & seditiosos plectunt , ut docet D. Thomas *lect. 2.*
super cap. 3. epst. ad Rom. ibi , non solum est licitum , sed etiam meritorium Principibus qui Zelo justitiae vindictam exercent in malis, quia scilicet operantur ex obligatione sui officij , ad quam ex Justitia tenentur. Vide Petrum Hurtado , disput. 169. de Bilo, sect. 5. §. 41.

5. Quod verò ex Fidelitate ad id teneantur Principes : Probatur ; nam Reges in sua coronatione sub juramento vovent, quod erunt solliciti de bono publico: ergo vel negandum est Pacem esse maximum Republicæ bonum , contra illud Silij Italici

*Pax optima rerum,
Quas Homini novisse datum est.*

Vel concedendum Principem ex fidilitate teneri ad illam totis viribus promovendam. Vide Fuscum , *Tractat. de visit. cap. 32.* Simanchas *de Repub. lib. 9.*
cap. 15. & 16. Fragosum 1. p. lib. 5. disp. 12. num. 87.

6. Quod denique ex charitate ad id ipsum teneantur Principes , suadetur: quia Princeps habet se ad Rempublicam, cui præest, veluti anima ad corpus , teste Seneca *lib. 1. de clement.* Item veluti civis, etsi nobilior , ad concives, teste Plutarcho *in Annibale:* Sed anima ex charitate , & justitia debet corpori vietum, somnum &c. tanquam media pro sui conservati-

servatione, juxta Basiliū in Breviorib. Regul. regul.
 128. Ricard. de S. Victore de externis malis, tract. 2. cap. 7.
 S. Thomam 2. 2. quæst. 146. art. 1. ad 3. & quæst. 147.
 art. 1. ad 2. ergo. Præterea civis ex charitate, huma-
 nitate, & societate civili debet concivibus sedare
 lites, discordias componere, pacem inquirere, quâ
 omnes bene sè habent, ex Chrysostomo homil. 24. ex
 Varijs: Immò si potest, & negligit, videtur injuriantem fovere,
 ac esse partcipem culpæ ejus, cap. cum dilecto Filio, dè sent. ex-
 communiat. lib. 6. ergo Princeps, qui est velut anima
 Reipublicæ, & nobilior Civis in ea, tenetur ex
 charitate ponere omnia media pro Civium, & Rei-
 publicæ conservatione: atqui electio Pontificis pa-
 cem publicam inquirentis, & persequenter est me-
 dium maximè conducens ad publicum bonum, jux-
 tadicta, numer. 1. ergo tenetur Princeps ex Justitia,
 fidelitate & charitate satagere, ut ille eligatur in
 summum Ecclesiæ Pontificem, à quo pax publica,
 maximè suarum Provinciarum, sperari possit:

quod erat intentum secundæ
 nostræ conclusionis,

§. 2.